



CONGREGATIO  
DE INSTITUTIONE CATHOLICA  
(DE STUDIORUM INSTITUTIS)

RESCRIPTUM

Congregatio de Institutione Catholica (de Studiorum Institutis), postulatione attenta Em.mi ac Rev.mi Magni Cancellarii Pontificiae Universitatis Lateranensis, legitime praesentantis; perpensa CONVENTIONE inter Exc.mum ac Rev.mum Administratorem Apostolicum dioeceseos Harlemensis (nunc Harlemensis-Amstelodamensis) et eiusdem Pontificiae Universitatis Exc.mum Rectorem Magnificum inita et ab hac Congregatione die III mensis Octobris a.D. MM approbata; cum compererit in Studio Theologico sub titulo Sancti Willibrord traditarum disciplinarum rationem canonicis normis conformari et diligenter promoveri; petitionem memorati Magni Cancellarii libenter suscipiens, idem

QUADRIENNIUM THEOLOGICUM  
praefati Studii Theologici sub titulo Sancti Willibrord

Facultati Theologicae Pontificiae Universitatis Lateranensis

AFFILIATUM

pro munere hoc Rescripto ad aliud quinquennium constituit declaratque, collata Facultati potestate academicum Sacrae Theologiae BACCALAUREATUS gradum iis alumnis ecclesiasticis conferendi, qui, praescriptum studiorum curriculum feliciter emensi, specialia pericula sub ductu et auctoritate eiusdem Facultatis rite superaverint; servatis de iure servandis, in primis peculiaribus Normis ad affiliationem exsequendam ab utraque parte subsignatis et ab hac Congregatione approbatis, quae una cum memorata Conventione vigere pergunt; contrariis quibuslibet minime obstantibus.

Romae, ex aedibus Congregationis de Institutione Catholica (de Studiorum Institutis), die XX m. Februarii a.D. MMXVI.

PRAEFECTUS

+ A. Vicentini Zaccari  
A SECRETIS